

4. Quid turbati estis, et cogitationes ascendunt in corda vestra? Videte manus meas et pedes meos, quia ego ipse sum.

5. Infer digitum \* tuum huc, et vide manus meas, et affer manum tuam, et mitte in latus meum.

Capitulum. i. Joann. v.

**C**ARISSIMI: Quis est qui vincit mundum, nisi qui credit quoniam Jesus est Filius Dei? Hic est qui venit per aquam et sanguinem Jesus Christus, non in aqua solum, sed in aqua et sanguine.

Hymnus.

**T**INCTAM ergo Christi sanguine  
Convertite in me cuspide,  
Ferte cor, pedes, manus,  
Poenam a nocente sumite.

At, quaeso, culpis debitas

Quas jure plagas figitis,  
Crucore divino silitae  
Fiant medela spiritus.

Sit gressus ad malum impotens,

Manus nocere desinant,  
Omnisque corde e saucio  
Profanus ardor exeat.

Clavis forato et Lancea,  
Jesu, tibi sit gloria,  
Cum Patre et almo Spiritu,  
Nunc et per omne saeculum.  
Amen.

Y. Foderunt manus meas  
et pedes meos. R. Dinumeraverunt omnia ossa mea.

Ad Benedictus, Antiphona. Inglorius erit inter viros adspetus ejus, et forma ejus inter filios hominum. Iste asperget gentes multas.

Oratio.

**D**EUS, qui in assumptione carnis infirmitate Clavis affigi, et Lancea vulnerari pro mundi salute voluisti: concede propitius, ut qui eorundem clavorum et lanceae solennia veneramur in terris, de glorioso victoriae tuae triumpho gratulemur in coelis: Qui vivis.

Et fit Commemoratio Ferie.

Aña. Angelus Domini descendebat de coelo, et movebatur aqua, et sanabatur unus.

Y. Angelis suis Deus mandavit de te. R. Ut custodiant te in omnibus viis tuis.

Oratio.

**E**STO, Domine, propitius plebi tuae: et quam tibi facis esse devotam, benigno refove miseratus auxilio. Per Domini nostrum.

Ad Primam, in R. br.,  
Y. Qui vulneratus es pro nobis.

AD TERTIAM.

Aña. Foderunt.

Capitulum. Carissimi. ut supra.

R. br. Foderunt manus meas\* Et pedes meos. Foderunt. Y. Dinumeraverunt omnia ossa mea. Et pedes. Gloria Patri. Foderunt.

Y. Quem tu percussisti, persecuti sunt. R. Et super dolorem vulnerum meorum addiderunt.

AD SEXTAM.

Aña. Tres sunt.

Capitulum. i. Petr. ii.

**F**RATRES: Christus passus est pro nobis, vobis relinquens exemplum, ut sequamini vestigia ejus. Qui peccatum non fecit, nec inventus est dolus in ore ejus.

R. br. Quem tu percussisti\* Persecuti sunt. Quem. Y. Et super dolorem vulnerum meorum addiderunt. Persecuti. Gloria. Quem.

Y. Ipse vulneratus est propter iniquitates nostras. R. Attritus est propter scelera nostra.

AD NONAM.

Aña. Infer digitum.

Capitulum. i. Petr. ii. d.

**Q**UI peccata nostra ipse pertulit in corpore suo super lignum, ut peccatis mortui justitiae vivamus: cujus livore sanati estis.

R. br. Ipse vulneratus est\* Propter iniquitates nostras. Ipse. Y. Attritus est propter scelera nostra. Propter. Gloria Patri. Ipse.

Y. Disciplina pacis nostrae super eum. R. Cujus livore sanati sumus.

IN II. VESPERIS.

Omnia ut in primis; et loco ultimi, Psalmus. Credidi. 38.

Ad Magnif. Aña. Vere languores nostros ipse tulit, et dolores nostros ipse portavit: et nos putavimus eum quasi leprosum, et percussum a Deo, et humiliatum.

Oratio. Deus qui in assumptione, ut supra.

Pro Commemor. Ferie.

Aña. Qui me sanum fecit, ille mihi praecipit: Tolle grabatum tuum, et ambula in pace.

Y. Angelis suis Deus mandavit de te. R. Ut custodiant te in omnibus viis tuis.

Oratio.

**E**XAUDI nos, misericors Deus: et mentibus nostris gratiae tuae lumen ostende. Per Dñm.

FERIA VI.

POST DOM. II. QUADRAG.

In Festo Sacratissimae Sindonis D. N. J. C. Duplex.  
Pro Clero Urbis, et alibi.

AD VESPERAS.

Aña. Joseph nobilis decurio. cum reliquis de Laudibus. Psalm. Dixit Dominus. cum reliquis. 1.



## Capitulum. Is. lxiii.

**Q**UIS est iste qui venit de Edom, tinctis vestibus de Bosra? Iste formosus in stola sua, gradiens in multitudi- ne fortitudinis suae? Ego qui loquor justitiam, et propugnator sum ad salvandum.

## Hymnus.

**G**LORIAM sacrae celebramus omnes Sindonis: laetis recolamus hymnis, Et piis votis monumenta nostrae

Certa salutis;

Quae refert semper veneranda Sindon, Sanguine impressis decorata signis, Dum cruce ex alta tulit involutum Corpus Jesu.

Reddit haec saevos animo dolores,

Quos tulit, casum miseratus Adae,

Christus humani generis Redemptor, Morte perempta.

Saucium ferro latus, atque palmas,

Et pedes clavibus, lacerata flagris

Membra, et infixam capiti coronam

Monstrat imago.

Quis pius siccis oculis, et absque

Intimi cordis gemitu notata,

Vivaeque indignae simulacra mortis

Cernere possit?

Nostra cum solum tibi, Christe, culpa

Causa tantorum fuerit malorum,

Nostra debetur tibi vita: vitam

Dedimus ipsam.

Sit tibi, Fili, decus atque virtus,

Qui tuo mundum redimis cruore,

Quique cum summo Genitore, et almo

Flamine regnas.

Amen.

**V.** Tuam Sindonem veneramur, Domine. **R.** Tuam recolimus passionem.

**Ad Magnif. Añ.** Joseph, vir bonus et justus, accessit ad Pilatum, et petiit corpus Jesu, quo accepto, involvit illud in sindone munda.

## Oratio.

**D**EUS, qui nobis in sancta Sindone, qua corpus tuum sacratissimum e Cruce depositum a Joseph involutum fuit, passionis tuae vestigia reliquisti: concede propitius; ut per mortem et sepulturam tuam, ad resurrectionis gloriam perducamur: Qui vivis.

**Et fit Commemoratio Ferae.**

**Añ.** Dives ille guttam aquae petiit, qui micas panis Lazaro negavit.

**V.** Angelis suis Deus mandavit de te. **R.** Ut custodiant te in omnibus viis tuis.

## Oratio.

**A**DESTO, Domine, famulis tuis, et perpetuam benignitatem largire precantibus: ut iis, qui te auctore et gubernatore gloriantur, et congregata restatues, et restaurata conserves. Per Dominum.

## AD MATUTINUM.

**Invitorium.** Christum Dominum qui passionis suae memoriam in sacra Sindone renovat, Venite adoremus. **Psalmus.** Venite, exsultemus. 9.

## Hymnus.

**M**YSTERIUM mirabile  
Hac luce nobis panditur  
Verus Dei cum Filius  
Mortem cruentam sustinet.

Causam tuendo servuli,  
Resque formam vestiens  
Pro servo herus suspenditur,

Pro sante justus placetur.

Necis manent insignia  
Impressa sacra in Sindone,  
Quae post triumphum nobilem

Corpus cruentum involverat.

Sunt mortis haec, et tartari

Mundique victi insignia,  
Trophaea sunt haec inclytarum  
Ductoris invictissimi.

Debemus ergo hanc gratiam

Nostrae salutis vindicari,  
Ut daemonis contra dolos  
Hac militemus tessera.

Vitae vetustae mortui Surgamus in vitam novam  
Christum secuti; per Crucem

Christi fruamur gloria.

Praesta, Pater piissime,  
Patrique compar Nicee,  
Cum Spiritu Paraclito  
Regnans per omne saeculum. Amen.

## In primo Nocturno.

**Añ.** Rubrum est indumentum tuum, et vestimenta tua sicut calcantium in torculari.

## Psalmus iv.

**Q**UINvocarem exaudivit me Deus  
justitiae meae: \*  
in tribulatione dilatasti mihi.

Miserere mei, \* et exaudi orationem meam.

Filii hominum, usquequo gravi corde? \* ut quid diligitis vanitatem, et quaeritis mendacium?

Et scitote quoniam mirificavit Dominus sanctum suum: \* Dominus exaudivit me cum clamavero ad eum.

Irascimini, et nolite peccare: \* quae dicitis in cordibus vestris, in cubilibus vestris compungimini.

Sacrificate sacrificium justitiae, et sperate in Domino. \*



Multi dicunt : Quis ostendit nobis bona?

Signatum est super nos lumen vultus tui, Dñe : \* dedisti laetitiam in corde meo.

A fructu frumenti, vini et olei sui \* multiplicati sunt.

In pace in idipsum \* dormiam, et requiescam ;

Quoniam tu, Dómine, singulariter in spe \* constituisti me.

Glória Patri, etc.

**Añ.** Rubrum est indumentum tuum, et vestimenta tua sicut calcantium in torculari.

**Añ.** Aspersionis est sanguis super vestimenta mea, omnia indumenta mea inquinavi.

Psalmus xv.

**Q**ONSERVA me, Dómine, quoniam speravi in te. \* Dixi Dómino : Deus meus es tu, quoniam bonorum meorum non egess.

Sanctis, qui sunt in terra ejus, \* mirificavit omnes voluntates meas in eis.

Multiplicatae sunt infirmitates eorum : \* postea acceleraverunt.

Non congregabo conventicula eorum de sanguinibus : \* nec memor ero nominum eorum per labia mea.

Dóminus pars hereditatis meae, et calcis mei : \* tu es, qui restitues hereditatem meam mihi.

Funes ceciderunt mihi in praeclearis : \* etenim hereditas mea praecleara est mihi.

Benedicam Dñum, qui tribuit mihi intellectum : \* insuper et usque ad noctem increpuerunt me renes mei.

Providēbam Dóminum in conspectu meo semper : \* quoniam a dextris est mihi, ne commovear.

Propter hoc laetatum est cor meum, et exultavit lingua mea : \* insuper et caro mea requiescet in spe.

Quoniam non derelinques animam meam in inferno : \* nec dabis Sanctum tuum videre corruptionem.

Notas mihi fecisti vias vitae, adimplebis me aetitia cum vultu tuo : \* delectationes in dextera tua usque in finem.

Glória Patri, etc.

**Añ.** Aspersionis est sanguis super vestimenta mea, omnia indumenta mea inquinavi.

**Añ.** Diviserunt sibi vestimenta mea, et super vestem meam miserunt sortem.

Psalmus xiv.

**D**OMINE, quis habitabit in tabernaculo tuo? \* aut quis requiescet in monte sancto tuo?

Qui ingreditur sine macula, \* et operatur justitiam :

Qui loquitur veritatem in corde suo, \* qui non egit dolum in lingua sua :

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus : \* timēntes autem Dóminum glorificat :

Qui jurat proximo suo, et non decipit, \* qui pecuniam suam non dedit ad usuram, et múnera super innocentem non accepit.

Qui facit haec, \* non movebitur in aeternum.

Glória Patri, etc.

**Añ.** Diviserunt sibi vestimenta mea, et super vestem meam miserunt sortem.

**V.** Tuam Sindonem veneramur, Dñe. **R.** Tuam recolimus passionem.

De Isala Propheta.

Lectio i. Cap. liii.



**Q**UIS credidit auditui nostro? et brachium Dñi, cui revelatum est? et ascendet sicut virgultum coram eo, et sicut radix de terra sitiēnti. Non est species ei, neque decor, et vidimus eum, et non erat adspēctus, et desideravimus eum : despēctum, et novissimum virorum, virum dolorum, et sciēntem infirmitatem, et quasi absconditus vultus ejus, et despēctus, unde nec reputavimus eum. Vere languores

nostros ipse tulit, et dolores nostros ipse portavit, et nos putavimus eum quasi leprosum et percussum a Deo, et humiliatum. Ipse autem vulneratus est propter iniquitates nostras, attritus est propter scelera nostra ; disciplina pacis nostrae super eum, et livore ejus sanati sumus.

**R.** Ecce vidimus eum non habentem speciem, neque decorem ; adspēctus ejus in eo non est : Hic peccata nostra portavit, et pro nobis dolet ; ipse autem vulneratus est propter iniquitates nostras, \* Cujus livore sanati sumus. **V.** Vere languores nostros ipse tulit, et dolores nostros ipse portavit. — Cujus livore.

Lectio ii.

**O**MNES nos quasi oves erravimus, unusquisque in viam suam declinavit : et posuit Dóminus in eo iniquitatem omnium nostrum. Oblatus est quia ipse voluit, et non aperuit os suum. Sicut ovis ad occisionem ducetur, et quasi agnus coram tondeute se obmutescet, et non aperiet os suum : de angustia et de iudicio sublatus est ; generationem ejus quis enarrabit? Quia abscessus est de terra viventium : propter scelus populi mei percussus eum ; et dabit impios pro



sepultura, et divitem pro morte sua: eo quod iniquitatem non fecerit, neque dolus fuit in ore ejus.

Quid sunt plagae istae in medio manuum tuarum? Et dicit: His plagatus sum in domo eorum, qui diligebant me. **V.** Fræmea suscitare super pastorem meum, et super virum coherentem mihi. — Et dicit.

*Lectio iii.*

**E**T Dñs voluit conterere eum in infirmitate; si posuerit pro peccato animam suam, videbit semen longævum, et voluntas Dñi in manu ejus dirigetur. Pro eo quod laboravit anima ejus, videbit, et saturabitur: in scientia sua justificabit ipse justus servus meus multos, et iniquitates eorum ipse portabit. Ideo dispersit ei plurimos, et fortium dividit spolia, pro eo quod tradidit in mortem animam suam, et cum sceleratis reputatus est: et ipse peccata multorum tulit, et pro transgressoribus rogavit.

**R.** Tuam Sindonem veneramur, Dñe, tuam gloriosam recolumus passionem: Miserere nobis qui passus es pro nobis. **V.** Salva praesentem catervam in tuis hodie laudibus congregatam. — Miserere. Gloria Patri. Miserere.

*In secundo Nocturno.*

**Añ.** Quasi absconditus vultus ejus, et despectus, unde nec reputavimus eum.

*Psalmus xxiii.*

**D**OMINI est terra, et plenitudo ejus: orbis terrarum, et universi, qui habitant in eo.

Quia ipse super maria fundavit eum: \* et super flumina preparavit eum.

Quis ascendet in montem Dñi? \* aut quis stabit in loco sancto ejus?

Innocens manibus, et mundo corde, \* qui non accepit in vano animam suam, nec juravit in dolo próximo suo.

Hic accipiet benedictionem a Dño: \* et misericordiam a Deo salutari suo.

Haec est generatio quaerentium eum, \* quaerentium faciem Dei Jacob.

Attollite portas, principes, vestras, et elevamini portae aeternales: \* et introibit Rex glóriae.

Quis est iste Rex glóriae? \* Dñs fortis et potens, Dñus potens in praelio.

Attollite portas, principes, vestras, et elevamini portae aeternales: \* et introibit Rex glóriae.

Quis est iste Rex glóriae? \* Dñus virtutum ipse est Rex glóriae.

Gloria Patri, etc.

**Antiphona.** Quasi absconditus vultus ejus, et despectus, unde nec reputavimus eum.

**Antiphona.** Omnes videntes me deriserunt me, locuti sunt labiis, et moverunt caput.

*Psalmus xxvi.*

**D**OMINUS illuminatio mea, et salus mea, \* quem timebo?

Dñus protector vitae meae: \* a quo trepidabo?

Dum appropiant super me nocentes, \* ut edant carnes meas.

Qui tribulant me inimici mei, \* ipsi infirmati sunt, et ceciderunt.

Si consistant adversum me castra, \* non timebit cor meum.

Si exurgat adversum me praelium, \* in hoc ego sperabo.

Unam petii a Dño, hanc requiram, \* ut inhabitem in domo Dñi omnibus diebus vitae meae:

Ut videam voluptatem Dñi, \* et visitem templum ejus.

Quoniam abscondit me in tabernaculo suo: \* in die malorum protexit me in abscondito tabernaculi sui.

In petra exaltavit me: \* et nunc exaltavit caput meum super inimicos meos.

Circuivi, et immolavi in tabernaculo ejus hostiam

vociferationis: \* cantabo, et psalmum dicam Dño.

Exaudi, Dñe, vocem meam, qua clamavi ad te: \* miserere mei, et exaudi me.

Tibi dixit cor meum, exquirit te facies mea: \* faciem tuam, Dñe, requiram.

Ne avertas faciem tuam a me: \* ne declines in ira a servo tuo.

Adjutor meus esto: \* ne derelinquas me, neque desprecias me, Deus salutaris meus.

Quoniam pater meus, et mater mea dereliquerunt me: \* Dñus autem assumpsit me.

Legem pone mihi, Dñe, in via tua: \* et dirige me in semitam rectam propter inimicos meos.

Ne tradideris me in animas tribulantium me: \* quoniam insurrexerunt in me testes iniqui, et mentita est iniquitas sibi.

Credo videre bona Dñi in terra viventium.

Exspecta Dñum, viriliter age: \* et confortetur cor tuum, et sustine Dñum.

Gloria Patri, etc.

**Antiphona.** Omnes videntes me deriserunt me; locuti sunt labiis, et moverunt caput.

**Añ.** Tradidit in mortem animam suam, et ipse peccata multorum tulit.



## Psalmus xxix.

**E**XAL TABO te, Dómine, quóniam suscepisti me : \* nec delectásti inimicos meos super me.

Dómine Deus meus, clamávi ad te, \* et sanásti me.

Dómine, eduxísti ab inférno ánimam meam : \* salvásti me a descendéntibus in lacum.

Psállite Dómino, sancti ejus : \* et confitémíni memoríae sanctitátis ejus.

Quóniam ira in indignatione ejus : \* et vita in voluntate ejus.

Ad vésperum demorábitur fletus : \* et ad matutinum laetitia.

Ego autem dixi in abundantia mea : \* Non movébor in aetérnum.

Dñe, in voluntate tua, \* praestitísti decóri meo virtútem.

Avertísti faciém tuam a me, \* et factus sum conturbátus.

Ad te, Dómine, clamábo : \* et ad Deum meum deprecábor.

Quae utilitas in sanguine meo, \* dum descéndo in corruptionem?

Numquid confitébitur tibi pulvis, \* aut annuntiábit veritatem tuam?

Audívit Dóminus, et miserus est mei : \* Dóminus factus est adjutor meus.

Convertísti planctum meum in gáudium mihi : \* conscidísti sacco meum, et circumdedísti me laetitia :

Ut cantet tibi glória mea, et non compúngar : \* Dómine Deus meus, in aetérnum confitébor tibi.

Glória Patri, etc.

**Añ.** Trádidit in mortem ánimam suam, et ipse peccáta multórum tulit.

**V.** Adorámuste, Christe, et benedicimus tibi. **R.** Quia per Crucem tuam redemísti mundum.

Sermo sancti Ambrosii Episcopi.

## Lectio iv. In Luc. cap. xxiii.

**U**ID sibi vult quod non Apóstoli, sed Joseph, et Nicodémus, et Joannes dicit, Christum sepéliunt? Unus justus et constans, alter qui erat magister in Israél. Talis enim Christi est sepultura, quae justitiam magisteriumque hábeat. Obstruitur igitur tergiversandi locus, et doméstico Judaei testimonio revincuntur. Nam si Apóstoli sepelissent, dicerent utique non sepultum, quem sepultum raptum esse dixerunt. Justus autem Christi corpus operit Sindone, innocens ungit unguento. Namque haec non otiose distincta repérimus; quia

justitia vestit Ecclesiam, innocentia gratiam subministrat.

**R.** O admirabilis Sindon, In qua involutus est thesaurus noster, redemptio captivorum. **V.** Gaudet totus mundus, qui redemptus est sanguine Dómini sui. — In qua.

## Lectio v.

**T**ESTI ergo et tu Dómini corpus glória sua, ut et ipse sis justus. Et si mortuum credis, operi tamen divinitatis propriae plenitudine. Unge illud myrrha et áloe, ut bonus odor Christi sis. Bonum linteum misit Joseph ille vir justus; et fortasse illud quod Petrus vidit e coelo ad se esse demissum, in quo erant génera quadrúpedum, et ferarum, et volucrum ad similitudinem gentilium figurata. Mystico igitur unguento illo pístico consépelitur Ecclesia, quae diversitatem populorum fidei suae communióne sociávit.

**R.** Tulérunt tunicam Joseph fratres ejus, et in sanguine haedi quem occiderunt tinxérunt, mitténtes qui ferrent ad Patrem, et dicerent : \* Hanc invenimus, vide num túnica filii tui sit, an non? **V.** Quam cum agnovisset pater, ait : Túnica filii mei est, fera pes-

sima devorávit eum. — Hanc invenimus.

## Lectio v.

**H**UNC Joseph justum Lucas dixit; Matthaues divitem. Et mérito dives hoc loco dicitur, ubi corpus suscipit Christi; suscipiéndum enim divitem, nescivit fidei paupertatem. Dives est ergo, qui justus est. Justus igitur Sindone involvit : Israelita vero et diversos miscet virtutum odores, et áloes mittit quasi libras centum, hoc est perfectae fidei quantitatem. Et ligaverunt corpus Jesu, juxta consuetudinem specialem Judaeorum, non utique nodis perfidiae, sed fidei ligatúris; et posuerunt in horto, cui frequenter Ecclesia comparatur, quae diversorum habet poma méritorum, floresque virtutum.

**R.** Christus passus est pro nobis, vobis relinquens exemplum, ut sequamini vestigia ejus : Qui peccatum non fecit, nec inventus est dolus in ore ejus. **V.** Qui cum malediceretur, non maledicebat, cum pateretur non comminabatur. — Qui peccatum. Glória Patri. Qui peccatum.

## In tertio Nocturno.

**Añ.** Caro mea requiescet in spe, quia non dabis sanctum tuum videre corruptionem.



## Psalmus liii.



**DEUS**, in nómine tuo saluum me fac: \* et in virtúte tua júdica me. Deus exáudi orationem meam: \* áuribus percípe verba oris mei.

Quóniam aliéni insurrexérunt advérsus me, et fortes quaesierunt ánimam meam: \* et non proposuerunt Deum ante conspéctum suum.

Ecce enim Deus ádjuvat me: \* et Dóminus suscéptor est ánimae meae.

Avérite mala inimícis meis: \* et in veritate tua dispérde illos.

Voluntárie sacrificábo tibi, \* et confitébor nómni tuo, Dómine: quóniam bonum est:

Quóniam ex omni tribulatione eripuisti me: \* et super inimícos meos despéxit óculus meus.

Glória Patri, etc.

**Añá.** Caro mea requiescet in spe, quia non dabis sanctum tuum vidére corruptionem.

**Añá.** Convertisti planctum meum in gáudium mihi, conscidisti saccum meum, et circumdedisti me laetitia.

## Psalmus lxxv.

**NOTUS** in Judaea Deus: \* in Israël magnum nomen ejus.

Et factus est in pace locus ejus: \* et habitatio ejus in Sion.

Ibi confrégit poténtias arcuum, \* scutum, gládium, et bellum.

Illúminans tu mirábiliter a móntibus aetérnis: \* turbáti sunt omnes insipientes corde.

Dormierunt somnum suum: \* et nihil invenerunt omnes viri divitiarum in má nibus suis.

Ab increpatione tua, Deus Jacob, \* dormitavérunt qui ascendérunt equos.

Tu terribilis es, et quis resistet tibi? \* ex tunc ira tua.

De coelo auditum fecisti judicium: \* terra trémuit et quíevit.

Cum exsúrgeret in judicium Deus, \* ut salvos faceret omnes mansuetos terrae.

Quóniam cogitatio hominis confitébitur tibi: \* et reliquiae cogitationis diem festum agent tibi.

Vovéte, et reddite Dómino Deo vestro: \* omnes qui in circúitu ejus affértis múnera.

Terribili et ei qui aufert spíritum principum, \* terribili apud reges terrae.

Glória Patri, etc.

**Añá.** Convertisti planctum meum in gáudium mihi, conscidisti saccum meum, et circumdedisti me laetitia.

**Añá.** Factus sum sicut homo sine adjutorio inter mórtuos liber.

## Psalmus xxxvii.

**DOMINE** Deus salutis meae: \* in die clamávi, et nocte coram te.

Intret in conspéctu tuo oratio mea: \* inclina aurem tuam ad precem meam:

Quia repléta est malis ánima mea: \* et vita mea inférno appropinquávit.

Æstimátus sum cum descendéntibus in lacum: \* factus sum sicut homo sine adjutorio, inter mórtuos liber.

Sicut vulneráti dormientes in sepúlchris, quorum non es memor ámplius: \* et ipsi de manu tua repúlsí sunt.

Posuerunt me in lacu inferióri: \* in tenebrósis, et in umbra mortis.

Super me confirmátus est furor tuus: \* et omnes fluctus tuos induxisti super me.

Longe fecisti notos meos a me: \* posuerunt me abominationem sibi.

Tráditus sum, et non egrediébar: \* óculi mei languerunt prae inópia.

Clamávi ad te, Dómine, tota die: \* expándi ad te manus meas.

Numquid mórtuis fácies mirábilía: \* aut médici suscitábunt, et confitebúntur tibi?

Numquid narrábit aliquis in sepúlchro misericórdiam tuam, \* et veritatem tuam in perditione?

Numquid cognoscéntur in tenebris mirabilia tua: \* et justitia tua in terra obliviónis?

Et ego ad te, Dómine, clamávi: \* et mane oratio mea praeveniet te.

Ut quid, Dómine, repélis orationem meam: \* avértis faciém tuam a me?

Pauper sum ego, et in laboribus a juventute mea: \* exaltátus autem, humiliátus sum et conturbátus.

In me transierunt irae tuae: \* et terrores tui conturbavérunt me.

Circumdedérunt me sicut aqua tota die: \* circumdedérunt me simul.

Elongásti a me amicum, et próximum: \* et notos meos a miséria.

Glória Patri, etc.

**Añá.** Factus sum sicut homo sine adjutorio inter mórtuos liber.

**V.** Omnis terra adoret te, et psallat tibi. **R.** Psalmum dicat nómni tuo, Dómine.

Lectio sancti Evangelii secundum Marcum.

Lectio vii. Cap. xv.

**I**N illo tempore: Cum jam sero esset factum, quia erat Parasceve, quod est ante sabbatum, venit



Joseph ab Arimathaea, nóbilis decúrio, qui et ipse erat exspéctans regnum Dei. Et reliqua.

Homília venerábilis Bedae Presbyteri.

*In Fer. iii. Palmarum.*



**G**RAECE, latine praepratio dicitur, quo nomine Judaei, qui inter Graecos morabantur, sextam sabbati appellabant, eo quod in illo, ea quae requirit sabbati necessaria essent, praeprare solerent; juxta hoc quod de manna quondam praeceptum est: Sexta autem die colligétis duplum. Quia ergo sexta die factus est homo, et tota est mundi creatura perfecta, séptima autem Conditor ab opere suo requievit, unde et hanc sabbatum, hoc est requiem, voluit appellari: recte Salvator eadem sexta die crucifixus humanae restorationis implévit arcánam: ideoque cum accepisset acetum, dixit: Consummatum est: hoc est, sextae dié, quod pro mundi refectiōne suscépi, jam totum est opus explétum. Sabbato autem in sepúlchro requiescens, resurrectionis, quae octáva die ventura erat, exspéctabat événtum.

**R.** Mercatus est Joseph sindonem mundam, ut in-

voleret in ea corpus Dómini: \* Venit ergo, et tulit corpus ejus. **V.** Rogávit Pilátum Joseph ab Arimathaea, ut tólleret corpus Jesu. — Venit ergo.

**Lectio viii.**

**V**ENIT, inquit, Joseph ab Arimathaea nóbilis decúrio, qui et ipse erat exspéctans regnum Dei, et audácter introivit ad Pilátum, et pétiit corpus Jesu. Magnae quidem Joseph iste dignitátis ad saeculum, sed majóris apud Deum mériti fuisse laudatur. Talem namque exsistere decébat eum, qui corpus Dómini sepeliret; qui et per justitiam méritórum tali ministério dignus esset, et per nobilitatem poténtiae saecularis facultatem posset obtinére ministrandi: non enim quilibet ignótus aut mediócris ad praesidem accédere, et crucifixi corpus póterat impetrare.

**R.** Haec est Sindon digníssima, \* In qua salutis auctór de Cruce depósitus involvi dignátus est. **V.** Ut nos consépúlti cum eo, vétéris hómínis exsúviis depósitis, innocéntiae sindone tegerémur. — In qua. **G**loria Patri. In qua. **V.** Jube, domne. **Bened.** Per evangélica dicta.

**Nona Lectio de Homília Feriae.**

Lectio sancti Evangelii secundum Mattheum.

**Lectio ix.** *Cap. xxi. d.*

**I**N illo tempore: Dixit Jesus turbis Judaeorum et principibus sacerdotum parabolam hanc: Homo erat paterfamilias, qui plantavit vineam, et semem circumdedit ei. Et reliqua.

Homília sancti Ambrósii Episcopi.

*Lib. 9. in cap. xx. Lucae.*



**G**LERIQUE varias significatiōnes de vineae appellatione derivant: sed evidenter Isaias vineam Dómini Sábaoth, domum Israel esse memorávit. Hanc vineam quis álius, nisi Deus, condidit? Hic est ergo, qui eam locavit colonis, et ipse peregre fuit: non quia ex loco ad locum profectus est Dóminus, quis ubique semper praesens est: sed quia est praesentior diligentibus, negligentibus abest. Multis temporibus ábfuit, ne praeprópera videretur exactio. Nam quo indulgentior liberalitas, eo inexcusabilior perviciacia.

Te Deum laudámus. 21.

AD LAUDES,

et per Horas, Añae.

**1.** Joseph nóbilis decúrio \* vir bonus, et justus, et ipse dives erat exspéctans

regnum Dei. **Psalm.** Dóminus regnávít. **cum reliquis de Laudibus. 22.**

**2.** Hic audácter \* introivit ad Pilátum, et pétiit corpus Jesu.

**3.** Cum cognovisset Pilátus a centuriōne, quod jam mórtuus esset, donávit corpus Jesu.

**4.** Joseph autem mercátus sindonem et depónens eum, involvit sindone.

**5.** Pósuit eum \* in monumento, in quo nondum quisquam pósuitus fuerat.

**Capitulum. Is. lxiii.**

**Q**UIS est iste, qui venit de Edom tinctis vestibus de Bosra! Iste formosus in stola sua, gradiens in multitudiēne fortitudinis suae? Ego qui loquor justitiam, et propugnator sum ad salvandum.

**Hymnus.**

**J**ESU, dulcis amor meus

Ac si praesens sis, accedo; Te complector cum affectu, Tuorum memor vulnerum.

**O** quam nudum hic te cerno,

Vulneratum et distentum, Inquinatum, involutum, In hoc sacro tegmine!

**Salve,** caput cruentatum Spinis, cujus dulcis vultus Immutavit suum florem, Quem coeli tremit curia.

**Salve,** latus Salvatoris, Salve, mitis apertura,



Super rosam rubicunda,  
Medela salutifera.

Manus sanctae, vos avete,  
Diris clavis perforatae:  
Ne repellas me, Salvator,  
De tuis sanctis pedibus.

Amen.

V. Dominus regnavit,  
decorem induit. R. In-  
duid Dominus fortitudinem  
et praecinxit se virtute.

Ad Bened. Añ. Joseph  
nobilis dectrio, exspectans  
et ipse regnum Dei, mercatus  
est Sindonem, et deprensus  
corpus Jesu involvit  
illud in Sindone.

Oratio.

DEUS, qui nobis in  
sancta Sindone, qua  
corpus tuum sacratissimum,  
e cruce depositum, a Joseph  
involutum fuit, passionis  
 tuae vestigia reliquisti:  
concede propitius; ut per  
mortem et sepulchram  
tuam, ad resurrectionis glori-  
am perducamur: Qui  
vivas et regnas.

Et fit Commem. Feriae.

Añ. Malos male perdet,  
et vineam suam locabit  
aliis agricolis, qui reddant  
ei fructum temporibus suis.

V. Angelis suis Deus  
mandavit de te. R. Ut  
custodiant te in omnibus  
viis tuis.

Oratio.

DA, quaesumus omni-  
potens Deus: ut sa-  
cro nos purificante jejunio,

sinceris mentibus ad sancta  
ventura facias pervenire.  
Per Dominum nostrum.

AD TERTIAM.

Añ. Hic audacter.  
Capit. Quis est. ut supra.  
R. br. Tuam Sindonem \*  
Veneramur, Dñe. Tuam.  
V. Tuam recolimus Passio-  
nem. Veneramur, Domine.  
Glória. Tuam Sindonem.

V. Adoramus te, Christe,  
et benedicimus tibi. R.  
Quia per mortem tuam re-  
demisti mundum.

AD SEXTAM.

Añ. Cum cognovisset.

Capitulum. Isaiae lxiii.  
QUARE ergo rubrum  
est indumentum tu-  
um, et vestimenta tua sicut  
calcantium in torculari?  
Torcular calcavi solus, et  
de gentibus non est vir  
mecum.

R. br. Adoramus te,  
Christe, et benedicimus  
tibi. Adoramus. V. Quia  
per mortem tuam redemisti  
mundum. Et benedicimus  
tibi. Glória. Adoramus.

V. Omnis terra adoret  
te, et psallat tibi. R. Psalmum  
dicat nomini tuo, Do-  
mine.

AD NONAM.

Añ. Pósuit eum.  
Capitulum. Isaiae lxiii.  
CIRCUMSPEXI, et  
non erat auxiliator;  
quaesivi, et non fuit, qui

adjuvaret, et salvavit mihi  
brachium meum; et indi-  
gnatio mea ipsa auxiliata  
est mihi.

R. br. Omnis terra adó-  
ret te, \* Et psallat tibi.  
Omnis. V. Psalmum dicat  
nomini tuo, Dñe. Et psallat  
tibi. Glória Patri. Omnis.

V. Dominus regnavit,  
decorem induit. R. In-  
duid Dominus fortitudinem,  
et praecinxit se virtute.

IN II. VESPERIS.

Omnia ut in primis, et  
loco ultimi, Psalmus. Voce  
mea ad Dominum. 40.

Ad Magnif. Añ. Homo  
quidam dives ab Arima-  
thaea, nomine Joseph, ac-  
cepto corpore Jesu, involvit  
illud in Sindone munda.

Oratio. Deus, qui nobis  
ut supra.

Et fit Commem. Feriae.

Añ. Quaerentes eum  
tenere, timuerunt turbam,  
quia sicut Prophetam eum  
habebant.

V. Angelis suis Deus  
mandavit de te. R. Ut  
custodiant te in omnibus  
viis tuis.

Oratio.

DA, quaesumus Dñe,  
populo tuo salutem  
mentis et corporis: ut bo-  
nis operibus inhaerendo,  
 tuae semper virtutis me-  
reatur protectione defendi.  
Per Dominum.

FERIA SEXTA

POST DOM. III. QUADRAG.  
In Festo SS. Quinque Vul-  
nerum Domini Nostri  
Jesu Christi. Duplex.

Pro Clero Urbis, et alibi.

AD VESPERAS.

Añ. Vere languores no-  
stros. cum reliquis de Lau-  
dibus. ro6. Psalm. Crédidi.  
cum reliquis. 38.

Capitulum. Isaiae iii.



CHRISTUS vul-  
neratus est pro-  
pter iniquitates  
 nostras, attritus  
est propter scelera nostra:  
cujus livore sanati sumus.

Hymnus.

PANGELINGUA gloriosi  
Lauream certaminis,  
Et super Crucis trophaeo  
Dic triumphum nobilem:  
Qualiter Redemptor orbis  
Immolatus vicerit.

De Parentis protoplasti  
Fraude Factor condolens,  
Quando pomi noxialis  
In necem morsu ruit:  
Ipse lignum tunc notavit,  
Damna ligni ut solveret.

Hoc opus nostrae salutis  
Ordo depoposcerat;  
Multiformis proditoris  
Ars ut artem falleret,  
Et medellam ferret inde,  
Hostis unde laeserat.

Quando venit ergo sacri  
Plenitudo temporis,  
Missus est ab arce Patris



Natus orbis Cōnditor :  
Atque ventre virginali  
Carne amictus prōdiit.

Vagit Infans inter arcēta  
Cōditus praesēpia :  
Membra pannis involūta  
Virgo Mater alligat ;  
Et Dei manus, pedesque  
Stricta cingit fascia.

Sempiterna sit beatæ  
Trinitati glōria,  
Æqua Patri, Filiōque,  
Par decus Parāclito :  
Unius, Trinique nomen  
Laudet universitas.

Amen.

¶ Vidēbunt in quem  
transfixerunt. *R.* Et dolēbunt super eum, ut in morte primogēniti.

*Ad Magnif. Añā.* Dum in cruce pendēret unigēnitus Dei Filius, et ab omnibus subsannaretur, Mater ejus Virgo Maria ipsum verum Deum et hōminem cōdolens venerabatur.

*Oratio.*

**D**EUS, qui unigēniti Filii tui passiōe, et per quinque vūnera, ejus sanguinis effusiōe, humanam naturam peccāto pēditam reparasti : tribue nobis, quæsumus ; ut qui ab eo suscepta vūnera venerāmur in terris, ejusdem pretiosissimi sanguinis fructum cōsequi mereāmur in coelis. Per eūdem Dōminum.

Et fit *Commemoratio Feriæ.*

*Añā.* Omnes, qui habebant infirmos, ducēbant illos ad Jesum, et sanabāntur.

¶ Angelis suis Deus mandavit de te. *R.* Ut custōdiant te in omnibus viis tuis.

*Oratio.*

**S**UBJECTUM tibi pōpulum, quæsumus Dōmine, propitiatio coelēstis amplifcet : et tuis semper faciāt servire mandatis. Per Dōminum.

AD MATUTINUM.

*Invit.* Christum in cruce confixum, quinque plagis vulneratum, Venite, adorēmus. *Psalm.* Venite. 9.

*Hymn.* Pange, lingua. 95.

*In primo Nocturno.*

*Añā.* Quis est qui venit de Edom, tinctis vēstibus de Bosra?

*Psalmus x.*

**I**N Dño confido : quōmodo dicitis animæ meæ : Trāsmigra in montem sicut passer?

Quōniam ecce peccatōres intēdērunt arcum, paravērunt sagittas suas in phāetra, \* ut sagittent in obscuro rectos corde.

Quōniam quæ perfecisti, destruxerunt : \* justus autem quid fecit?

Dōminus in templo sancto suo, \* Dōminus in coelo sedes ejus :

Oculi ejus in pauperem respiciunt : \* pālpebræ ejus interrogant filios hōminum.

Dōminus interrogat justum et impium : \* qui autem dīligit iniquitatem, odit animam suam.

Pluet super peccatōres lāqueos : \* ignis, et sulphur, et spīritus procellarum pars calcis eorum.

Quōniam justus Dñs, et justitias dilēxit : \* æquitatem vidit vultus ejus.

*Glória Patri, etc.*

*Añā.* Quis est, qui venit de Edom, tinctis vēstibus de Bosra?

*Añā.* Quare rubrum est indumentum tuum, et vestimenta tua sicut calcantium in torculari?

*Psalmus xiv.*

**D**OMINE, quis habitabit in tabernaculo tuo? \* aut quis requiescet in monte sancto tuo?

Qui ingreditur sine macula, \* et operatur justitiam :

Qui loquitur veritatem in corde suo, \* qui non egit dolum in lingua sua :

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus mali-

gnus : \* timētes autem Dōminum glorificat :

Qui jurat proximo suo, et non decipit, \* qui pecuniam suam non dedit ad usuram, et mūnera super innocentem non accepit.

Qui facit hæc, \* non movebitur in aeternum.

*Glória Patri, etc.*

*Añā.* Quare rubrum est indumentum tuum, et vestimenta tua sicut calcantium in torculari?

*Añā.* Torcular calcavi solus, et de gentibus non fuit vir mecum.

*Psalmus xxiii.*

**D**OMINI est terra, et plenitudo ejus : \* orbis terrarum, et universi qui habitant in eo.

Quia ipse super maria fundavit eum : \* et super flumina praeparavit eum.

Quis ascendet in montem Dōmini? \* aut quis stabit in loco sancto ejus?

Innocens manibus et mundo corde, \* qui non accepit in vano animam suam, nec juravit in dolo proximo suo.

Hic accipiet benedictionem a Dōmino : \* et misericordiam a Deo salutari suo.

Haec est generatio quærentium eum, \* quærentium faciem Dei Jacob.

Attollite portas, principes, vestras, et elevamine



portae aeternales : \* et introibit Rex glóriæ.

Quis est iste Rex glóriæ? \* Dóminus fortis et potens, Dóminus potens in praelio.

Attóllite portas, príncipes, vestras, et elevámini portae aeternales : \* et introibit Rex glóriæ.

Quis est iste Rex glóriæ? \* Dóminus virtutum ipse est Rex glóriæ.

Glória Patri, etc.

**Añs.** Torcular calcávi solus, et de géntibus non fuit vir mecum.

**V.** Foderunt manus meas, et pedes meos. **R.** Dinumeraverunt ómnia ossa mea.

De Isaíá Prophéta.

**Lectio i.** Cap. liii.



**Q**UIS creddidit auditui nostro? et bráchium Dómini cui revelátum est? Et ascéndet sicut virgultum coram eo et sicut radix de terra sitiénti. Non est spécies ei, neque decor, et vidimus eum, et non erat adspéctus, et desiderávimus eum; despéctum, et novissimum virórum, virum dolórum, et sciéntem infirmitátem, et quasi absconditus vultus ejus, et despéctus, unde nec reputávimus eum. Vere languóres nostros ipse tulit, et dolóres nostros ipse portávit : et nos putávimus

eum quasi leprósum, et percússum a Deo, et humiliátum. Ipse autem vulnerátus est propter iniquitátes nostras, attritus est propter scélera nostra : disciplina pacis nostrae super eum et livóre ejus sanáti sumus.

**R.** Gratificávit nos Deus in dilécto Filio suo : \* In quo habémus redemptiónem per sánguinem ejus in remissionem peccatórum. **V.** Ecce venit plenitúdo temporis, in quo misit Deus Filium suum in terras. — In quo habémus.

**Lectio ii.**

**O**MNES nos quasi oves errávimus, unusquisque in viam suam declinávit, et pósuit Dóminus in eo iniquitátem ómnium nostrum. Oblátus est, quia ipse voluit, et non apéruit os suum. Sicut ovis ad occisiónem ducétur, et quasi agnus coram tondénte se obmutéscet, et non apéruit os suum. De angústia, et de júdicio sublátus est : generatióem ejus quis enarrábit? Quia abscessus est de terra vivéntium; propter scelus pópuli mei percússi eum. Et dabit impíos pro sepultúra, et divitem pro morte sua, eo quod iniquitátem non fécerit, neque dolus fúerit in ore ejus. Et Dóminus voluit contérrere eum in infirmitáte.

**R.** Nos, qui aliquándó erámus longe, facti sumus prope per sánguinem Jesu Christi : \* Ipse est pax nostra, qui fecit utráque unum.

**V.** A Dómino factum est istud, et est mirábile in óculis nostris. — Ipse est.

**Lectio iii.** Cap. lxiii.

**Q**UIS est iste qui venit de Edom, tinctus véstibus de Bosra, iste formósus in stola sua, grádiens in multitudíne fortitudinis suae? Ego qui loquor justítiam, et propugnator sum ad salvándum. Quare ergo rubrum est indumentum tuum, et vestiménta tua sicut calcántium in torculari? Torcular calcávi solus, et de géntibus non est vir mecum : calcávi eos in furóre meo et conculcávi eos in ira mea, et aspérsus est sanguis eórum super vestiménta mea, et ómnia indumentá mea inquinávi. Dies enim ultiónis in corde meo, annus redemptiónis meae venit. Circumpéxi, et non erat auxiliátor; quaesívi, et non fuit qui adjuvaret.

**R.** In primogénito ex mórtuis complácuit omnem plenitúdinem divinitátis inhabitáre, et per eum reconciliári ómnia in ipsum : \* Pacíficans, per sánguinem Crucis ejus, sive quae in coelis, sive quae in terris sunt. **V.** Ipse est caput

córpore Ecclesiae, in ómnibus primátum tenens. — Pacíficans. Glória Patri. Pacíficans.

**In secundo Nocturno.**

**Añs.** Foderunt manus meas et pedes meos; dinumeraverunt ómnia ossa mea.

**Psalms xxi.**

**Q**UIS, Deus meus, respice in me : quare me dereliquisti? \* longe a salute mea verba delictórum meórum.

Deus meus, clamábo per diem, et non exáudies : \* et nocte, et non ad insipientiam mihi.

Tu autem in sancto hábitas, \* Laus Israel.

In te speraverunt patres nostri : \* speraverunt, et liberásti eos.

Ad te clamaverunt, et salvi facti sunt : \* in te speraverunt, et non sunt confusi.

Ego autem sum vermis, et non homo : \* opprobrium hóminum, et abjectio plebis.

Omnes vidéntes me, deriserunt me : \* locúti sunt lábiis, et movérunt caput.

Sperávit in Dómino, erípiat eum : \* salvum faciát eum, quóniam vult eum.

Quóniam tu es, qui extraxisti me de ventre : \* spes mea ab ubéribus matris meae. In te projectus sum ex útero.



De ventre matris meae  
Deus meus es tu, \* ne dis-  
cēsseris a me :

Quóniam tribulatio pró-  
xima est : \* quóniam non  
est qui ádjvet.

Circumdederunt me vi-  
tuli multi : \* tauri pingues  
obsederunt me.

Apertuerunt super me os  
suum, \* sicut leo rápiens, et  
rúgiens.

Sicut aqua effusus sum : \*  
et dispersa sunt ómnia ossa  
mea.

Factum est cor meum  
tamquam cera liquescens \*  
in médio ventris mei.

Aruit tamquam testa vir-  
tus mea, et lingua mea ad-  
haesit fáucibus mei : \* et  
in púlverem mortis deduxi-  
sti me.

Quóniam circumdede-  
runt me canes multi : \* concilium malignántium obsé-  
dit me.

Foderunt manus meas, et  
pedes meos : \* dinumerave-  
runt ómnia ossa mea.

Ipsi vero consideraverunt  
et inspexerunt me : \* divisé-  
runt sibi vestiméta mea, et  
super vestem meam misé-  
runt sortem.

Tu autem, Dómine, ne  
elongáveris auxilium tuum  
a me : \* ad defénsionem  
meam cónspece.

Erue a frámea, Deus, áni-  
mam meam : \* et de manu  
canis únicam meam :

Salva me ex ore leónis : \*  
et a córnibus unicórnium  
humilitátem meam.

Narrábo nomen tuum  
frátribus meis : \* in médio  
ecclesiáe laudábo te.

Qui tímētis Dóminum  
laudáte eum : \* univérsum  
semen Jacob, glori ficáte  
eum.

Tímeat eum omnes semēn  
Ísrael : \* quóniam non spre-  
vit, neque despéxit depre-  
caciónem páuperis :

Nec avértit fáciem suam  
a me : \* et cum clamárem  
ad eum, exaudivit me.

Apud te laus mea in ec-  
clesiá magna : \* vota mea  
reddam in conspéctu tímē-  
tium eum.

Edent páuperes, et satu-  
rabúntur : et laudábunt Dó-  
minum qui requirunt eum : \*  
vivent corda eórum in sae-  
culum saeculi.

Reminiscéntur, et con-  
verténtur ad Dóminum \*  
univérsi fines terrae :

Et adorábunt in conspé-  
ctu ejus \* univérsae fami-  
liae Géntium.

Quóniam Dómini est re-  
gnum : \* et ipse dominá-  
bitur Géntium.

Manducaverunt et ad-  
oraverunt omnes pingues  
terrae : \* in conspéctu ejus  
cadent omnes, qui descē-  
dunt in terram.

Et ánima mea illi vi-  
vet : \* et semen meum sér-  
viet ipsi.

Annuntiábitur Dómino  
generátio ventúra : \* et  
annuntiábunt coeli justí-  
tiam ejus pópulo qui na-  
scétur, quem fecit Dómi-  
nus.

Glória Patri, etc.

Añá. Foderunt manus  
meas et pedes meos; dinu-  
meraverunt ómnia ossa  
mea.

Añá. A planta pedis  
usque ad vérticem non est  
in eo sánitas.

Psalmus lxxv.

**T**UBILATE Deo  
omnis terra, psal-  
mum dícite nómini ejus : \*  
date glóriam laudi ejus.

Dicite Deo quam terri-  
bilis sunt ópera tua, Dó-  
mine! \* in multítudine  
virtútis tuae mentiéntur tibi  
inimíci tui.

Omnis terra adóret te, et  
psallat tibi : \* psalmum di-  
cat nómini tuo.

Veníte, et vidéte ópera  
Dei : \* terribilis in consiliis  
super filios hóminum.

Qui convertit mare in  
áridam, in flúmine per-  
transibunt pede : \* ibi lae-  
tábimur in ipso.

Qui dominátur in virtúte  
sua in aetérnum, óculi ejus  
super Gentes respiciunt : \*  
qui exáspérant non exal-  
téntur in semetipsis.

Benedícite Gentes Deum  
nostrum : \* et audítam fá-  
cite vocem laudis ejus,

Qui pósuit ánimam meam  
ad vitam : \* et non dedit in  
commotióne pedes meos.

Quóniam probásti nos,  
Deus : \* igne nos exami-  
násti, sicut examinátur ar-  
géntum.

Induxísti nos in láqueum,  
posuísti tribulatiónes in  
dorso nostro : \* imposuísti  
hómines super cápita no-  
stra.

Transivimus per ignem  
et aquam : \* et eduxísti  
nos in refrigérium.

Introibo in domum tuam  
in holocáustis : \* reddam  
tibi vota mea, quae distin-  
xérunt lábia mea.

Et locútum est os meum, \*  
in tribulatióne mea.

Holocáusta medulláta  
ófferam tibi cum incénso  
arietum : \* ófferam tibi bo-  
ves cum hircis.

Veníte, audíte, et nar-  
rábo, omnes qui tímētis  
Deum, \* quanta fecit áni-  
mae meae.

Ad ipsum ore meo cla-  
mávi, \* et exaltávi sub  
lingua mea.

Iniquitátem si adspéxi in  
corde meo, \* non exáudiet  
Dóminus.

Proptérea exaudivit  
Deus, \* et atténdit voci de-  
precatiónis meae.

Benedíctus Deus, \* qui  
non amóvit oratióne meam,  
et misericórdiam  
suam a me.

Glória Patri, etc.